



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ვაციწვერიანი

ვაციწვერიანი, მცენარეთა დაჯგუფება, რომელსაც ქმნის ვაციწვერა. გავრცელებულია საქართველოს აღმ. რაიონების ბარსა და სამხრ. მთიანეთში, ზეგნებზე (ჭავახეთი, თრიალეთი, ზურტაკეტი). აქ ვ-ები ან ტიპურ ველებს ქმნიან, ან მათი კომპონენტებია. ბარში აღსანიშნავია გარეჯის ვ. ველები, რ-ებიც შეთავსებულია უროიან ველებთან. აქ ვაციწვერასთან ყოველთვის ხარობს ურო, წივანა და სხვ. ვ-ის უფრო ქსეროფილურ ვარიანტებს ქმნის პონტური ვაციწვერა (*Stipa pontica*) და ლესინგის ვაციწვერა (*Stipa lessingiana*); ხშირია წურწუმას (*Stipa ca pillata*) დაჯგუფებებიც, რ-ებიც ჩრდ. კავკასიაში ბამთრის საძოვრების ქვიშნარ ნიადაგზე იზრდება. მთის ველებიდან სამხრ. მთიანეთის ზეგნებზე (ზ. დ. 1800 - 2100 მ-მდე) გვხვდება ვაციწვერიან-წივანიანი, ხოლო უფრო მაღლა (2500 მ-მდე) - წვრილფოთოლა ვაციწვერას (*Stipa tirsia*) ვ-ები.

შ. ნახუცრიშვილი
